



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Ecclesiastes.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

exaggerandam infernalium titiunum struem, quàm his gehennæ fomentis. Quis igitur furor est, in alienam famam aculeum stringere, ut instar serpentis perimendo pereas, & æternum pereas? Sapientem audi, quisquis huic vitio affinis es, & quanto in periculo verferis, etiam atque etiam expende. *Multi ceciderunt, inquit, in ore gladij, sed non sic quasi qui interierunt per linguam suam. Beatus qui tectus est à lingua nequam, qui in iracundiam illius non transiit, & qui non attraxit iugum illius, & in vinculis eius non est ligatus: iugum enim illius, iugum ferreum est; & vinculum illius, vinculum æreum est. Mors illius, mors nequissima: & utilis potius infernis quàm illa. Bone Deus! tantumne à membro tam tenero tamque delicato periculi? Omnino tantum; ac plus etiam quàm cuiusquam mens aut cogitatio capere possit: sed interest usus, à quo mors & vita, perniciēs & incolumitas, ut mox docebit Ecclesiastes, ne cui iusta cum naturâ expostulandi causa relicta esse videatur.*

Eccli. 28, 22.

SECTIO SEPTIMA.

ECCLESIASTES.

VERSUS 12. Verba oris sapientis gratia: & labia insipientis præcipitabunt eum:

13. Initium verborum eius stultitia, & novissimum oris illius error pessimus.

METRICA PARAPHRASIS.

O QUAE lingua parit monstra potentia!
Præsens nunc Sipyli pectora cautibus
Excisa eloquij melle perungere,
Nunc in perniciem sui,

VVVV 3

Con-